



Maglaj, 17.09.2020. godine

## ZAPISNIK

sa sjednice Privrednog savjeta održane u četvrtak, 17.09.2020. godine.

### PRISUTNI:

- |                          |                            |
|--------------------------|----------------------------|
| 1. Mirsad Mahmutagić     | 8. Senada Alibajraktarević |
| 2. Amir Alibarjaktarević | 9. Dženana Hadžiedhemović  |
| 3. Saudin Mačković       | 10. Nedžad Čatić           |
| 4. Mustafa Musaeferendić | 11. Ferhat Bradarić        |
| 5. Adis Mustabašić       | 12. Nermin Bešliagić       |
| 6. Braco Bradarić        | 13. Emina Hasanić          |
| 7. Nesib Serhatlić       |                            |

Zapisničar, Omar Fazlić

### Dnevni red:

1. Presentacija implementiranih i aktuelnih projekata i aktivnosti na području općine Maglaj;
2. Presentacija nastalih izmjena koje se tiču ambijenta za privređivanje i poslovanje privrednih subjekata na području općine Maglaj te aktuelnosti vezane za privredu i privređivanje;
3. Razmatranje Strateške platforme Strategije razvoja općine Maglaj 2021 – 2027.g.;
4. Razno – prijedlozi i sugestije, tekuća problematika

AD-1 - Presentacija implementiranih i aktuelnih projekata i aktivnosti na području općine Maglaj;

Na samom početku sjednice Načelnik općine Mirsad Mahmutagić je pozdravio sve prisutne i zahvalio se na odvojenom vremenu, te otvorio sjednicu po prvoj tački dnevnog reda.

Upoznao je prisutne sa aktuelnim projektima kao što su saradnja sa Českom razvojnom agencijom i aktivnostima vezanim za izgradnju postrojenja za daljinsko grijanje. Projekat se trenutno nalazi u fazi izrade idejnog projekta, gdje će eksperti iz Česke boraviti u Maglaju kako bi sagledali stanje na terenu. Dodatno je informisao članove Privrednog savjeta o potencijalnom investitoru iz Njemačke koji je odlučio prebaciti postrojenje u Maglaj. Investitor se bavi

izradom proizvoda za autoindustriju i trenutno je u pregovorima da preuzme jedan od postojećih slobodnih objekata.

Načelnik općine je također informisao o aktuelnim infrastrukturnim projektima na području općine i najavio planirane projekte za naredni period a koji su u pripremi.

Članovi Privrednog savjeta su primili informacije na znanje i zahvalili se načelniku, te izrazili zadovoljstvo na konkretnim mjerama sa Českom razvojnom agencijom i novim investitorom koji će sigurno unaprediti ekonomiju Maglaja i obezbjediti zapošljavanje građana.

Članovi privrednog savjeta su trazili detaljna pojašnjenja pojedinih infrastrukturnih aktivnosti, posebno ističući izgradnju mosta u Liješnici – južni ulaz i završetka raskrsnice - sjevernog ulaza u grad.

AD-2 - Prezentacija nastalih izmjena koje se tiču ambijenta za privređivanje i poslovanje privrednih subjekata na području općine Maglaj te aktuelnosti vezane za privredu i privređivanje

Drugu tačku dnevnog reda Načelnik općine je otvorio sa informacijama o privredi i posljedicama prouzrokovane pandemijom COVID-19. Prepustio je riječ šefici službe za privredu, budžet i finansije Senadi Alibajraktarević kako bi informisali privredni savjet o konkretnim mjerama pomoći privredi tokom pandemije kao i fiskalnim uticajem na općinski budžet.

Mustafa Musaefendić upitao koje su konkretne mjere podrške pružene prevoznicima i kompanijama kao što je Excel Assemblies i dr.. Načelnik Mahmutagić je obrazložio da prevoznicima tokom pandemije nije bio zabranjen rad, te su uz određene poteškoće i poštivanje mjere naređene od strane Federalnog kriznog štaba obavljali djelatnost. Dodao je da Općina Maglaj ne raspolaže sa sredstvima kako bi efektivno pomogla prijevzničkim kompanijama i kompanijama veličine Excel Assemblies i sl i isti spadaju u domen ministarstava industrije i privrede, viših nivoa vlasti. ( FBiH, ZDK ).

Amir Alibajraktarević upozorio je članove da se može očekivati kompletan restart zbog situacije prouzrokovane pandemijom.

Dodao da također da trenutno stanje treba uvrstiti u strategiju i da bi ono trebalo biti polazno stanje za izradu iste kao i sve planove za budućnost Maglaja.

Naglasio je da je potrebno prebaciti fokus na poljoprivredu, jer je ista najperspektivnija u narednom periodu.

AD-3 – Razmatranje Strateške platforme Strategije razvoja općine Maglaj 2021 – 2027. g.

Treću tačku dnevnog reda otvorio je Nermin Bešliagić sa pozdravnim riječima i zahvalio se članovima na odvojenom vremenu i proaktivnom nastojanju da se kontinuirano radi na unaprjeđenju ambijenta za privređivanje..

Tokom prezentacije upoznao je prisutne članove sa socio-ekonomskim podacima općine Maglaj, koji su prikupljeni u procesu izrade nove strategije razvoja. U nastavku je i prezentovao informacije o SWOT analizi kao i strateškoj platformi, te otvorio treću tačku za diskusiju.

Adis Mustabašić je dao sugestiju da se od Maglaja napravi centar papira i uz Natron-Hayat ojača lokalna ekonomija. Predložio je da se kroz općinski start-up program podrže nove firme koje bi djelovale kao sateliti Natron-Hayata, pružajući istim usluge tehničke podrške, remonta itd.

Dodao je kako je pandemija prouzrokovala značajne štete u privredi, čije će se posljedice tek još osjetiti. Zbog toga su potrebne firme koje stvaraju velike prihode uz mali broj uposlenih kao što su poslovni servisi.

Dodatno treba posvetiti pažnju građanima starosne dobi 50+ i građanima bez obrazovanja, kojih prema socio-ekonomskim podacima ima u značajnoj mjeri. Isti se mogu kroz poticaje zaposliti u poljoprivredi, čime bi doprinjeli sopstvenom socio-ekonomskom stanju kao i samoj općini.

Nesib Serhatlić je upitao kako u izradi nove strategiji treba uzeti u obzir i pandemiju, kako bi imali što realnije stanje i ciljeve postavljene u strategiji, kao i prijetnje u SWOT analizi.

AD-4 – Razno – prijedlozi i sugestije, tekuća problematika

Zadnju tačku dnevnog reda je otvorio Nermin Bešlić, sa napomenom da je 3 tačka bila informativnog karaktera za članove Privrednog savjeta ka znanju i kako će se na narednoj sjednici o konkretnim mjerama i ciljevima u strategiji rapsravljati.

Prisutni članovi nisu imali dodatna pitanja ili sugestije čime je načelnik Mahmutagić završio sjednicu i zahalio se prisutnim na aktivnom učešću.

Završeno u 13:45 sati

Zapisničar, Omar Fazlić

